

II. Circa CONSERVATIONEM HOL. (1) *objectum*, sive *cætas afflictus*, qui est non Petrus, sed Ecclesia, cœtus piorum, Pronomine αὐτῆς indigitatus (2) *Adjunctum*, sive *hostium conatus*; Portæ inferorum, i. e. Satanus cum suis affeclis, veram Christi Ecclesiam semper infestant, impugnant, consilia adversus eam captant, omnibus viribus laborant & unicè in id incumbunt, ut Ecclesiam expugnent, perturbent & penitus evertant (3) *Effectus & finis irritus*, ισχύσθαι μὴ, ἀλλὰ μὴ κατισχύσθαι αὐτῆς semper quidem Ecclesia impugnatur; Nunquam v. superatur; sed in æternum conservatur.

## CAPUT IV.

TRADENS

*Oraculi hujus Paraphrasin.*

Quemadmodum tu Petre dixisti & confessus es, quis ego sim, filius nempe Dei viventis: ita nunc ET EGO TIBI DICO ac confiteor, quis tu etiam sis, TUES PETRUS, Ita te jam dudum in primo adventu, & rectè quidem cognominavi Petrosum, eò quod vera fide & ex fide profecta confessione funderis super vera illa Petra, videlicet super me, ET SUPER HANC PETRAM, quam confessus, & in qua vera fide fundatus es, nimirum super meipsum, tanquam super immotum fundamentum & verum lapidem angularem I Cor. III. II. Eph. II. 20. ÆDIFICABO ECCLESIAM MEAM, ut omnes verè credentes, tanquam lapides vivi ad ædificium spirituale, super meipsum rupem veram, I Cor X 4. ædificentur, Pet. II 5. ministerio verbi instituantur, legitimo Sacramentorum usu per veram vivamque fidem conversi renatique conserventur, adversus quoscunque dubitationum ac tentationum procellas immoti persistent perpetuoque defendantur. ET PORTÆ INFERORUM, h. e. omnis astutia & consilia (Ruth IV. 1.) vis & potentia (Psal. IX. 14.) contra Christianos, ut mors, infernus, humana sapientia & potestas persecutorum Ecclesiæ ac Tyrannorum, Hæreticorum ac seductorum NON PRÆVALEBUNT ADVERSUS EAM Impugnabunt quidem, ast non expugnabunt. Prement qui dem, ast non oppriment Ecclesia enim in perpetuum durabit *Conf Magnif Dn D Olearii Manuale p. 34 & 1622. seq B. Osiander*, qui per *petra n*, confessionem Petri intelligit, ita ὁ Θεὸς ὁραζῶν: *Places mihi plurimum, Petre, propter piam tuam Confessionem. Ego jam*